



DEO OPTIMO MAX.

UNI ET TRINO,

VIRGINI DEI-PARÆ, ET S. LUCÆ,
Orthodoxorum Medicorum Patrono.

QUÆSTIO MEDICO-CHIRURGICA,

QUODLIBETARIIS DISPUTATIONIBUS
*manè discutienda in Scholis Medicorum, die Jovis vigesima
mensis Martii, Anno Domini M. DCC. LX.*

P R Æ S I D E.

M. GUILLELMO-JOSEPHO DE L'EPINE.
Antiquo Facultatis Decano,

M. PETRI POISSONNIER, Scholarum Professoris, & Censoris
Regii, necnon Militarum Regis Nosocomiorum in Alsatiâ Medici
& Inspectoris Primarii, Doctoris Medici, vices gerente.

An recenti vulnere nudatis ossibus, Exfoliatio?

I.



OS fuit, nondùm ita antiquus, vix antiquatus vulnera quod majora
ed diuturniori committere suppurationi; antequàm spontè (id enim
sola facit natura, modò non impedita) coalescere sinerentur. Erro-
rem (artis-ne dicam an artificis?) correxit sagax experientia. Os-
sium quàm carnum fortuna tunc temporis non melior. Si altius adactò
vulnere videndam se fortè præbuerat pars ossis aliquanta, non nisi
visæ portiuncula ossæ excidio piandum nefas. Quod voluere patres, volumus nos

A

quoque : obtinemus ratione diversâ. Nolumus (ut illi nolunt) partem adulteratam præmaturâ obducere cicatrice. Hostem intus suscipere insanum foret. Constat igitur inter illos & nos, tunc tantum esse promovendam ossium Exfoliationem ubi aliquid vitii contraxerint.

I I.

ET verò carnearum fibrarum & ossearum conditio non dispar. Illæ, si sphacelo contaminatæ, ferro quantum potis est ocyùs absceindendæ. Sic hæ, si carie mortifierâ adulterentur, in Medicinâ quis hospes aded qui neget illicò ferendam opem radulâ (igne si siverit locus) Balsamicis, Antisepticis vulneri leviter applicitis, fomentis resolventibus, spirituosis exterius admotis; ac præsertim longâ & patienti morâ, si inter tendones, aponevroses, & contignationes ossæas cùm serpere deprehendatur cariola lues? His enim in casibus natura tacitè sæpè & faustè eò magis operatur, quò blandioribus adjuncta topicis, minùs cogitur, & propriis viribus permittitur. Inde sæpè videre fuit laminas ossæas è locis omni arti & artifice imperviis, quasi Deum ex machinâ sese ex improvîso prodere, ex altioribus ossium compagibus, ex interioribus faciei, carpi, tarli, &c. latebris, & symptomatibus diris illicò finem facere. Et posthàc quisquam ausit Exfoliationem ossium quæ nihil quicquam vitii contraxerint, idèò tantum proponere, quia obiter tantum aëris contactum, recenti vulnere, experta fuerint!

I I I.

UT fibrarum carnearum sic & ossearum fibrarum vitium non est unicum. Ossæ scorbuto mollescere viminis instar notum est lippis & tonsoribus. Carie longâ exesa frangi, haud secus ac vitrum, scorbutica lues seu venerea, causa est non infrequens. Oblita prioris formæ turpiter & ridiculè in insuetas mille, fus deque, contorqueri figuras, Rachitidis ludus haud insolens. Fæda protuberantium exostoseon familia, pœnitendæ siphilidis aut serophularum insaustra progenies. Verùm è longinquo trahunt natales diversa hæc symptomata; nec, fungorum more nata, economiam humanam laceßunt ex improvîso. Quis igitur in ossibus recenti vulnere nudatis, sic conspecto tenus aëre nascerentur, hostes repentini? Certè longioris moræ opus est ossis nudati alteratio, nec tèm brevi tempore tantum vitii contrahere potest, ut amandationem illius natura moliat, aut repolcat ab arte.

I V.

AT, in quies, ossa possunt rumpi transversa, secundum longitudinem fissa dehiscere, directè aut obliquè cædi, dissilire in fragmenta, collidi, deprimi, contundi, nudata aliquamdiu exsiccari, imò livere. Hæc sunt propria recentium vulnorum symptomata! Sunto. Hic amplius procurandæ Exfoliationi locus! Nullus. Vivis partibus consule, demortuas & avulsas ociùs abige, dubias aut finceras citò citiùs obtege. Ossæ quidem transversim rupta aut in longum fissa ac dehiscencia vulnus faciunt complicatum. At semi-rupta transversim, quid impedit quominus lapsu temporis, quiete, & otio (ut rupta solent) coalescant? Si dehiscant quid tunc Exfoliatio? Præstantiori auxilio opus est. Tunc altiùs suprà fissuræ initia reseccandum est membrum. Damno partis salvum fac caput hominis. Fragmina obvia tolle: latitantia ne queras malè sollicitus. Moræ usuram reddet cum fœnore prudens expectatio. Ossæ si graviter collisa, aliò te converte. Si leviter, cave ab Exfoliatione. Majus ab arte quàm à morbo periculum. Depressionem in Diploicis ossibus curant puncturæ & aliæ artes. In omnibus natura totum opus sæpè sola conficit. Ossium

5
 eorum directè aut obliquè ut carnum coalitio ipsius ejusdem juris cur non esset? Quid si tantummodò liveant, propter tardiozem aliquot horarum moram, serio-remque curationem ab inflicto vulnere, idcirco corrupta judicabis? *Æternæ* tra-des Exfoliationis operæ? Absit, nimium ne crede colori. Non adeò celeriter non tam citò corrumpuntur ossa. Dandum naturæ plurimum: tempori dandum non minus. Sedulo convenientibus, ut artis est, obtege. Diei consilium dabit dies. Reducta super vulnus cutis divulsa Balsamum præpotens asseret. Deficientem supplebit pluma-eolus spiritu vini imbutus aut ficcus, nudæ soli ossis parti applicitus, superimpo-sitis levioribus Balsamicis; non neglectis, pro re natâ, circum fomentis emollien-tibus, resolventibus, spirituosus; minus adhuc omittis diætâ, sanguinis missione, quiete, & congruo victûs regimine. Sic reviviscet quæ livorem à conspecto duxit aëre pars ossea. Non sic, non sic putrescunt illicò, recentî vulnere, nudata ossa. Testes appello, quotquot non hâc in urbe solâ, sed in toto orbe, Chirurgi nomen meren-tur. Quoties in complicatis vulneribus cum fracturâ rupti ossis extrema in conspectu venêre, nihil antiquius habuerunt quàm illa simul componere, in locum re-ducere. Natura cætera præstitit sola. A simili, in operationibus Bubonocœles, quid vulgarius quàm intestinum lividum ac pœnè sphacelo sideratum reponere? Quin & iners illud ac merè passivum viscus Epiploon quoties aspectu scœdum, meliùs abscein-dendum, atramen quale erat remissum in proprias sedes revaluit? Utrobiquè cum successu. Iterum, iterum non sic corrumpuntur ossa, aëre conspecto. Non tam citò quid vitii contrahere valent, ut illorum imminutionem natura molietur per se aut idèò artis opem imploret.

V.

AER plagis insensus! fatemur. Lædit fibras carneas, lædit osseas itidem. Nocet fuccis utrobiquè contentis. Hi acescunt faciliè: illas intercepto liquorum cir-cuitu in putredinem pronas, si pateant aëri, jam jam exeder sphacelus aut caries! Acido illo universali ac primigenio quo turget aër nihil exitiosius! Ominosa verba & grandia. Exitiosum plagis acrem puto. At non ita quî valeat tam brevi temporis spatio omnia pessumdare. Ac ut fileam mutila diversa animalium, volatiliùm terref-triumque genera, quorum ossa & carnes benigna omnium parens natura & callo & optimâ cicatrice obduxit, frustrâ reluctante acido illo deleterio aëreo; experien-tiam tantum humanam invocare liceat. Dum Chirugi veteres os quodcumque plus minus nudatum volebant exfoliatione mulctare, quot menses dicam aut annos oportuit, antequam ossis exteriorèm eamque levem bracteam potuerint obtinere? Nullibi igitur gentium exfoliationi erit locus? Parce verbis, iisque contumeliosis. Unam postulas, duplicem concedimus. Una crustam dimittit; altera insensilis, res-olutione, ac oculos fallente exudatione, aut, si vis, interdum suppuratione eva-nescit. In priori ad instar fibrarum carnearum sphacelo obductarum, in quibus vivens & vegeta pars succo laudabili turgida exsuccam marcidamque spontè di-mittit partem demortuam, pars ossea sana ac vivida & succo plena ultrò depellit fibræ partem osseæ exsuccam, detritam, aridam & succo alibili imperviam. Sic, ut carnis vivæ à demortuâ, fit & ossis viventis ab exsucco cortice necessaria & me-chanica separatio. Carnes omnes lividæ non idèò conclamatae habentur. Trans vasa pellucida pervidetur fuccus interior jam putrescens. Calore leni, Balsamicis, &c. priori redditur fluiditati: oscillant liberè jam solida illæsa; redit vigor. Cum fibris osseis ne credas iniquiùs egisse naturam. Jurares perditas. Levi & insensili perspi-ratione, resolutione, (si vis suppuratione,) vidi salvas sanasque fieri. Nisi proximâ & quâ nihil propius maximè proximâ delquammatione, ociùs ægras partes con-tege, Cicatrix dubia pro apparatu curationis saluberissimo habeatur, si constet

crustæ aut fragmenti ossis non ante menses exitum esse sperandum. Non infeliciùs occultè operabitur natura quàm in aprico, imò minùs operosè & celerius tunc viam sibi parabit, quâ procùl arceat hostem & foràs amandet. Si crustam; vulgò per medias ipsas carnes, per mediam ipsam cutem, quam scier elegantius perforare quàm faceret Chirurgus peritissimus, nullo ferè superstite relicto cicatricis vestigio. Si resolutione; per vias intestinales, urinarias, circuitùs sanguinei mediante operâ, Quasi novum esset in hisce casibus apud Medicos eneoremata & hypostasies urinarum, aliaque excrementa *judicatoria* observasse. Pronuntiare igitur ne dubites.

Non, ergò recenti vulnere nudatis ossibus, Exfoliatio.

DOMINI DOCTORES DISPUTATURI.

M. Natalis-Nicolaus Muller. *M. Marinus-Jacobus-Clarus Robert.* *M. Ludovicus-Petrus le Hoc.*

M. Franciscus-Ludovicus-Thomas d'Onglée. *M. Maximilianus-Josephus Leys.* *M. Antonius-Nicolaus Guenault.*

M. Guillelmus Fumée, *M. Guillelmus Berthold,* *M. Paulus-Jacobus Malgouin, Medicus Reginae ordinarius, Regie Scientiarum Academiae, Regiae Societatis Londinensis Socius, necnon Regius Chimicorum librorum Censor.*

Proponebat Parisiis JOSEPHUS DUSSANS, Atyrensis, Saluberrimæ Facultatis Medicinæ Parisiensis Baccalaureus, A. R. S. H. 1760.

A SEXTA AD MERIDIEM.